


pānui kura



TAU: 20 WĀHANGA: 4 WHĀNAU:

16 o Whiringa-ā-nuku 2018

Me mihi ka tika ki tō tātou Kīngi, ki te whare o Pōtatau hoki. Pai mārire ki a rātou katoa.

Ka huri ngā whakaaro ki a rātou kua huri ki tua o te ārai, haere atu rā koutou, moe mai rā.

Hoki mai anō ki a tātou te hunga ora, tātou e hāpai nei i ngā mahi o te ao hurihuri nei, tēnā tātou katoa.

Nau mai, hoki mai ki te wāhanga whakamutunga o te tau nei me ngā mahi, ngā kaupapa huhua! Auē taukuri e, te tere haere o te wā, 11 wiki tae noa atu ki te wā Kirihimete!!

Whakaari ki Rāukaumanga

Hei te Rāmere e tū mai nei ka haere ngā tamariki Tau 3 - 8 ki te mātaki i te whakaari "Tao" ki Rāukaumanga.

Ka wehe atu i te kura i te 10 karaka, ka hoki mai i te takiwā o te 1 karaka i te ahiahi.

E wātea ana ētehi tikiti mō ngā kaiāwhina nō reira whakamōhio wawe mai inā e wātea ana koe ki te tautoko i tēnei o ngā haerenga.

\$5 te utu mō ia tamaiti.

He Mihi

I tākaro a Te Tatau (Kapene) rāua ko Toma mō te tīma o Waikato U13A i te whakataetae BBNZ Regional Championships U13 , i te 10-13 o Whiringa ā nuku 2018. I tū ki Tamaki.

I toa tō rāua tīma, ā, i riro i a rāua tētehi metara koura! I tū pakari rāua hei kanohi mō tō rāua tīma, mō te kura anō hoki.

Ka mau te wehi tama mā!



Tohu Reo

Kua whakanuia e te kura ēnei toki reo Māori i te wiki whakamutunga o tērā wāhanga:

- Makauri Williams
- Te Koau Bristowe

KIA MATAARA

Rāmere 19 o Whiringa ā nuku

Whakaari: Tao!

10:00 - 1:00 karaka

29 Whiringa ā nuku
- 02 o Whiringa ā rangi

Kura Teina
Akoranga Kaukau

11:00 - 3:00 karaka

TŌKU MĀPIHI MAUREA KURA KAUPAPA MĀORI

Mauri Tau - Wiki 10

Kua riro mā te akomanga o **TE PIRINGA/TE TUMANAKO** te tiwhikete mō te akomanga kaha ki te hāpai i ngā uara o te kura. Kua riro mā te akomanga o **TE AROHA/TE PUAWAI** te tiwhikete mō te tiaki i a Papatūānuku. Ka wani kē!!!

Ka huri hoki ngā mihi ki ēnei toki:

Te Aroha/Te Puāwai - Mīharo Karaha

Te Piringa/Te Tūmanako - Teyana-Jaye
Tuhakaraina-Clarke

Te Whakapono/Te Rangimārie - Moetahi
Jacobs

Te Atawhai - Mareikura Paniora-
Rautangata

TTVT Waka Ama - Parakatihi

Midget Girls

Ka timata i tēnei rā.

3.45-4.45pm ki Innes Common

Ko Matua Haki te kaiwhakahaere.

Haerenga Kura Tuakana

Tēnei te mihi ake ki te Poari i whakaae nei ki ta mātau tono mo te Haerenga ki Tamaki i te wiki tuaiwa (11-13 Hakihea).

Nō reira, he īnoi tēnei ki a koutou ngā mātua katoa kia haramai ki te hui hei tēnei Rāpare i te 3.15pm ki te kōrerorero mo ngā whakaritenga. Ngā take hei whakaaro ake:

- Te Whai Pūtea
- Ngā Utu
- Ngā Ringa Āwhina
- Ngā Ture

Ngā mihi naku noa

Pōtae Haumarū - Eke Paihikara

Tēna koa kōrero ki ō tamariki eke paihikara kia mau i ō rātau pōtae māro tae noa ki te kura. Kua kitea ētahi e mau ana kē ki wāhi kē atu i ō rātau māhunga!

Kapa Haka - Kohi Pūtea

Kei aku nui, kei aku rahi tēnā koutou!

Ia Rāmere ka tū ngā rā hoko kai.

Juicies: \$2

Ahiparaka: \$1.50

He whakamaharatanga hoki; hei te Rāapa te 24 o Oketopa tū ai te hui ā whānau hei te 5 karaka.

Kaore he painga i ngō koutou puna tautoko i te rōpū Kapa Haka! Tēnā koutou katoa!

Nā Te Kāhui Kapa Haka

Rauemi Ako

Tēna koa pātai ki tō tamaiti he aha ōna rauemi ako hei hoko anō. He maha ngā tamariki o te Kura Tuakana karekau he pene, he penerākau, he pukapuka rānei hei mahi. Tēna koa hokona he rauemi hōu i te mea ko tēnei e whakararu ana i ā rātou mahi.

Pā Whutupaoro

Me maumahara e te whānau, ia Rāpare, whai muri kura, hei te 3:15 - 4:30 pm, he whakaharatau mō ngā tima Uira me Toa ki te kura.

Me kawē mai he paku kai, he hū me tētehi ipu wai.

Mēna e wātea ana koe, nau mai, haramai hei awhina i a au!

Whaea Donna

Project Energize

MAAWHITINGA MIITI ME TE MIITI

Kei roto ko ngaa puumua hei whakatupu, hei whakapakari i ngaa maihara o te tinana. Kai ko te 1-2 o ngaa kokotaha i ia raa.

He mea hanga e Sport Waikato 2018

REKIUMU: PIINI, REENETI ME TE TIKIPI

HEIHEI

MIITI WHERO

HEEKI

Hei aawhina: Tangohia te hinu me te kiri mai te miiti i mua i te waa tunu kai.



TŌKU MĀPIHI MAUREA KURA KAUPAPA MĀORI

Possible Strike Action

Ki te whānau o TMMKKM

NZEI - Te Riu Roa, the teacher and support staff unions has advised that teachers and principals **may be taking rolling strike action on Tuesday 13 November**. The kura may be closed for the whole day.

The Board is committed to giving good notice to whanau so that you can make contingency plans for your whanau and tamariki at kura. There will be no kaiako at kura and no classes if this happens.

Please be prepared.

The Board of Trustees will confirm as early as possible.

Ngā mihi
Tere Gilbert
BOT Tiatangata

Kakahu Kapa Haka

Mauri ora e te whaanau!

E anga whakamua ana te titiro ki te whakataetae Kapa Haka aa rohe o Tainui Waka ka tuu hei te marama o Noema. He paanui whakamaarama teenei moo te taha ki ngaa kaka, maa ngaa kaihaka, maa ngaa kaitautoko hoki. E whai ake nei ko ngaa whakaritenga ki te hiahia hoko mai, teena whakakiiia te tuutohi i raro iho nei, aa, whakahokia mai ki te tari.

Kaihaka: \$50 (Tiihaate & Hoodie set) Naa te ohu haka teetahi wahanga o te utu i ea!

Kaitautoko: \$25 Tiihaate & \$45 hoodie (Size 4 to 5XL)



ORDERS AND PAYMENTS ARE DUE NO LATER THAN WEDNESDAY 17th of OCTOBER

INGOA WHĀNAU: _____

	E Whia?	Rahinga?	Utu
Tiihaate \$25			
Hoodie \$45			
Kaihaka Set \$50			
Uara Taapeke:			

Whakaaro mō te wiki

Ko mahi, ko ora!"

He nui ngā mahi i te wāhanga nei, heoi nui hoki ngā hua ka puta mō a tātou nei tamariki!

Mā te whakapau kaha ki te mahi ka whai oranga anō hoki te tangata.

Ngā manaakitanga
Laura



TŌKU MĀPIHI MAUREA KURA KAUPAPA MĀORI

Haerenga Wāhanga 4, 2018

WIKI	Kaupapa	Ki whea	Ko wai	Utu
1	Rakaumanga Whakaari Rāmere 19/10	Rākaumanga	Tau 3-8	\$5 mō ia tamaiti
2	Amazing Race Rāapa 24/10	Ngā Māra o Kirikiriroa	1x tau 5/6 1 x Tau 7/8	
3	Akoranga Kaukau 29/10 - 02/11	Waterworld, Te Rapa	Kura Teina	\$20 per tamaiti
3	Tainui Waka Primary Schools Kapa Haka Regionals Rāhoroi 3 o Whiringa ā rangi	Claudelands Event Centre	Rōpū Kapa Haka	
5	Rā Kaiaka Rāpare 15/11	Porritt Stadium	Kura Katoa	
5	Te Kōhao Whanau Day Rāmere 16/11	Te Kōhao Health	Rōpū Kapa Haka	
6	Patuki Tahī 22/11	Porritt Stadium	Ngā toki o TMMKKM	
8	Akoranga Kaukau TBC	Uni Pools	Kura Tuakana	\$10 per tamaiti
8	Kaitahi Rāpare TBC	TBC	Tau 8	Kai o te pō
9	Haerenga Kura Teina Rāmere 14/12	Waterworld, Te Rapa	Kura Teina	
9	Haerenga Kura Tuakana 11-13 o Hakihea	Tamaki	Kura Tuakana	\$30 per tamaiti \$50 per whānau
10	Pō Tuku Taonga Rāhina 17/12	Kura	Whānau Whānui	

